



資治通鑑卷第二百十

端明殿學士兼翰林侍讀學士太中大夫提舉西京高山崇福宮上柱國
河內郡開國公食邑三千二百戶食實封伯戶賜紫金魚袋守司馬光奉
勅編集

後學天台胡

三省

音註

唐紀二十六

起上章闡茂八月盡昭陽赤奮若凡三年有奇

睿宗玄真太聖大興孝皇帝下

景雲元年八月庚寅往興第按問

此承上卷洛陽重縣官微聞其謀

福奄至縣官馳出白留守羣官皆逃匿洛州長史崔

日知獨帥衆討之

重直龍翻守式又翻長知西翻帥讀曰率

留臺侍御史

李邕遇重福於天津橋從者已數百人馳至屯營從才

用翻即洛城左右屯營也告之曰譙王得罪先帝言重福得罪中宗居之均州

今無故入都此必為亂君等宜立功取富貴又告皇

城東都皇城也使閉諸門重福先趣左右屯營中射之

趣七喻翻射而亦翻矢如雨下乃還趣左掖門還從宣翻掖音亦欲取

留守兵見門閉大怒命焚之火未及然左屯營兵出

逼之重福窘迫策馬出上東然與燃同窘渠隕翻上東洛城上東門也東面

北來第一門逃匿山谷明日留守大出兵搜捕重福赴漕

渠溺死癸巳重福反今從太皇實錄日知日用

之從父兄也從才以功拜東都留守鄭愔貌醜多須

既敗梳髻著婦人服匿車中

惛於今翻

擒獲被鞫股

慄不能對

被皮翻

張靈均神氣自若顧惛曰吾與此人

舉事宜其敗也與惛皆斬於東都市初惛附來俊臣

得進俊臣誅附張易之易之誅附韋氏韋氏敗又附

譙王重福竟坐族誅

史言張靈均雖幸禍好亂之人猶能臨死不變鄭惛者反覆於

羣儉之間冒利不顧而畏死乃爾烏足以權大事乎

嚴善思免死流靜州

嶺南

州貞觀中已改為雷州此靜州屬劔南儀鳳元年以

悉州之悉唐縣置南和州武后天授二年更名靜州

嚴善思免死而流此風依

嬖倖今從亂又得以偷生

萬騎恃討諸韋之功多

暴橫

騎奇寄翻

長安中苦之詔並除外官又停以戶

奴為萬騎

戶奴為萬騎蓋必

更置飛騎隸左右羽林

起於永昌之後

衡翻

姚元之宋璟及御史大夫畢構上言先朝斜

封官悉宜停廢

璟居影翻上時掌翻朝直遙翻

上從之癸巳罷斜封

官凡數千人

斜封官見上卷中宗景龍三年

刑部尚書同中書門

下三品裴談貶蒲州刺史

舊志蒲州京師東北三百二十四里尚辰羊翻

贈蘇安恒諫議大夫

蘇安恒死見二百八卷中宗景龍元年恒戶登翻

九

月辛未以太子少師致仕唐休璟為朔方道大摠管

少始照翻

冬十月甲申禮儀使姚元之宋璟奏

唐世凡有國恤

皆以宰相為禮儀使掌山陵祔廟等事使疏吏翻

大行皇帝神主應祔太廟

請遷義宗神主於東都別立廟從之

義宗祔廟見二百八卷中宗神

龍元年

乙未追復天后尊號為大聖天后

丁酉以

幽州鎮守經略節度大使薛訥為左武衛大將軍兼

幽州都督節度使之名自訥始使疏吏翻 考異曰

以賀拔延秀為河西節度使節度之名自此始會要

云景雲二年賀拔延嗣為涼州都督充河西節度始

有節度之號又云范陽節度自先天二年始除甄道

一新表景雲元年置河西諸軍州節度支度營田大

使按訥先已為節度大使則節度之名不始於延嗣

也今從太上皇實錄是後天寶緣邊御戎之地置

入節度使其任愈重受命之日賜雙旌雙節得以專

制軍事行則建節樹六纛入境州縣築節樓迎以鼓
角衙仗居前旌幢居中將鳴珂金鉦鼓角居後州
縣齎印迎于道左又唐之制有節度大使副大使節
度使其親王領節度大使而不出閤則在鎮知節度
者為副大使其異姓為節度使者有節度副使至後
唐開成二年七月勅頃因本朝親王遙領方鎮其在
鎮者遂云副大使知節度事但年代已深相公未改
今天下侯伯並正節旄其未
落副大使者祇言節度使

太平公主以太子年

少意頗易之既而憚其英武欲更擇闇弱者立之以

久其權數爲流言云太子非長不當立

少詩照翻易以鼓翻數所

角翻

己亥制戒諭中外以息浮議公主每覘伺太子所

爲纖介必聞於上

覘丑廉翻又丑艷翻同相吏翻

太子左右亦往往

爲公主耳目太子深不自安

爲誅太平公主及其支黨張本

謚故

太子重俊曰節愍太府少卿萬年韋湊上書以爲賞

罰所不加者則考行立謚以褒貶之

上時掌翻行下孟翻

故太

子重俊與李多祚等稱兵入宮中宗登玄武門以避

之太子據鞍督兵自若及其徒倒戈多祚等死太子

方逃竄鄴使宿衛不守其爲禍也胡可忍言明日中

宗兩泣

雨泣者淚下如雨也

謂供奉官曰

中書門下兩省官謂之供奉官

幾不

與卿等相見其危如此

幾居希翻

今聖朝禮葬謚爲節愍

臣竊惑之夫臣子之禮過廟必下

下遐嫁翻

過位必趨漢

成帝之爲太子不敢絕馳道

漢成帝爲太子初居桂宮元帝嘗急召之太子

出龍樓門不敢絕馳道西至直城門得絕乃度還入作室門上遲之間其故以狀對乃著令太子得絕馳

道而重俊稱兵宮內跨馬御前無禮甚矣若以其誅

武三思父子而嘉之則興兵以誅姦臣而尊君父可

也今欲自取之是與三思競爲逆也又足嘉乎若以

其欲廢韋氏而嘉之則韋氏於時逆狀未彰大義未

絕苟無中宗之命而廢之是脅父廢母也庸可乎漢

戾太子困於江充之讒發忿殺充雖興兵交戰非圍

逼君父也兵敗而死

事見二十二卷武帝征和二年

及其孫爲天子

始得改葬猶謚曰戾

見二十四卷宣帝本始元年

况重俊可謚之

曰節愍乎臣恐後之亂臣賊子得引以爲比開悖逆

之原非所以彰善癉惡也

彰明也癉病也明其爲善病其爲惡者也癉丁但翻

請改其謚多祚等從重俊興兵不爲無罪陛下今宥

之可也名之爲雪亦所未安上甚然其言而執政以

爲制命已行不爲追改

爲于僞翻

但停多祚等贈官而已

十一月戊申朔以姚元之爲中書令己酉葬孝

和皇帝于定陵

定陵在雍州富平縣西北十五里

廟號中宗朝議以

韋后有罪不應祔葬追謚故英王妃趙氏曰和思順

聖皇后求其瘞莫有知者妃死見三百二卷乃以緯

衣招蒐唐制皇后之服三褱衣鞠衣禮衣褱衣者受冊助祭朝會大事之服也深青織成爲之畫

暈赤質五色十二等素紗中單黼領朱羅縠標襪蔽

膝隨裳色以緞領爲綠用翟爲章三等青衣革帶大

帶隨衣色裋約紐佩綬如天子青鞵舄加金舄覆以夷衾又翻祔葬定陵

壬子侍中韋安石罷爲太子少保左僕射同中書門

下三品蘇瓌罷爲少傅 甲寅追復裴炎官爵初裴

仙先自嶺南逃歸復杖一百徙北庭仙讀曰曹復扶又翻至徙

所殖貨任俠常遣客詞都下事武后之誅流人也裴炎

死仙先流嶺南見二百三卷武后光宅元年 仙先

誅流人見二百五卷長壽二年詞休正翻

知之逃奔胡中北庭都護追獲囚之以聞使者至流
人盡死酋先以待報未殺旣而武后下制安撫流人
有未死者悉放還酋先由是得歸至是求災後獨酋
先在拜詹事丞詹事丞正六品上掌判詹事府事壬戌追復王同

皎官爵

王同皎死見二百八卷中宗神龍二年

庚午許文貞公蘇瓌

薨制起復其子頊爲工部侍郎頊固辭

頊他

上使李

日知諭旨日知終坐不言而還

坐但

奏曰臣見其哀

毀不忍發言恐其隕絕上乃聽其終制

十二月癸

未上以二女西城隆昌公主爲女官以資天皇太后

之福仍欲於城西造觀

觀古玩翻道士所居曰觀

諫議大夫審原

悌上言以爲先朝悖逆庶人以愛女驕盈而及禍新

城宜都以庶孽抑損而獲全

新城公主下嫁武延暉宜城公主下嫁裴巽皆

中宗女

又釋道二家皆以清淨爲本不當廣營寺觀勞

人費財梁武帝致敗於前先帝取災於後殷鑒不遠

今二公主入道將爲之置觀

觀古玩翻爲于偽翻

不宜過爲崇

麗取謗四方又先朝所親狎諸僧尚在左右宜加屏

斥

朝直遙翻屏卑郢翻

上覽而善之

宦者閭興貴以事屬長

安令李朝隱

屬之欲翻朝直遙翻下同

朝隱繫於獄上聞之召見

朝隱勞之曰卿爲赤縣令能如此朕復何憂

勞力到翻復扶

又翻下無復同

因御承天門集百官及諸州朝集使宣示以

朝隱所爲且下制稱宦官遇寬柔之代必弄威權朕覽前載每所歎息能副朕意實在斯人可加一階爲

太中大夫賜中上考及綃百匹 壬辰奚霫犯塞掠

漁陽雍奴出盧龍塞而去 漁陽縣本屬幽州中宗神龍元年分屬營州雍奴縣

漢以來屬漁陽郡隋屬涿郡唐屬幽州盧龍漢肥如縣也屬遼西郡隋開皇十八年更名盧龍屬北平郡

唐帶平州幽州都督薛訥追擊之弗克 舊制三品

以上官冊授五品以上制授六品以下敕授 唐王言之制有

七一曰冊書二曰制書三曰慰勞制書四曰發勅五曰勅旨六曰論事敕書七曰敕牒 皆委尚

書省奏擬文屬吏部武屬兵部尚書曰中銓侍郎曰

東西銓 所謂三銓也 中宗之末嬖倖用事選舉混淆無復

綱紀至是以宋璟爲吏部尚書李乂盧從愿爲侍郎
皆不畏彊禦請謁路絕集者萬餘人留者三銓不過
二千人服其公以姚元之爲兵部尚書陸象先盧懷

慎爲侍郎武選亦治

選須綰翻
治直吏翻

從愿承慶之族子

盧承

慶見二百卷高
宗顯慶四年

象先元方之子也

陸元方見二百五
卷天后證聖元年

侍御史藁城倪若水

藁城縣前漢屬真定國後漢
以來屬鉅鹿郡唐屬恒州

奏彈國子祭酒祝欽明司業郭山惲亂常改作希旨

病君

謂郊祀請以
韋后亞獻也

於是左授欽明饒州刺史山惲括

州長史

舊志饒州京師東南三千二百六十三里括
州後爲處州京師東南四千二百七十八里

侍御史楊孚彈糾不避權貴權貴毀之上曰鷹搏

狡兔須急救之不爾必反爲所噬御史繩姦慝亦然

苟非人主保衛之則亦爲姦慝所噬矣乎隋文帝之

姪孫也置河西節度支度營田等使領涼甘肅伊

瓜沙西七州治涼州

唐制凡天下邊軍皆有支度使以計軍資糧仗之用節度不兼

支度者支度自爲一司其兼支度者則節度使自支度凡邊防鎮守轉運不給則開置屯田以益軍儲於

是有營田使使疏吏翻度徒洛翻

姚州羣蠻先附吐蕃攝監察御

史李知古請發兵擊之既降

降戶江翻

又請築城列置州

縣重稅之黃門侍郎徐堅以爲不可

斷句

不從知古發

劍南兵築城因欲誅其豪傑掠子女爲奴婢羣蠻怨

怒蠻酋傍名引吐蕃攻知古殺之以其尸祭天由是

姚舊路絕連年不通

舊慈由翻
雋音髓

安西都護張玄表侵

掠吐蕃北境吐蕃雖怨而未絕和親乃賂鄯州都督

楊矩請河西九曲之地以爲公主湯沐邑矩奏與之

九曲者去積石軍三百里水甘草良宜畜牧蓋即漢
大小榆谷之地吐蕃置洪濟大漠門等城以守之史

爲楊矩後悔懼自殺張
本鄯時戰翻又音善

二年春正月癸丑突厥可汗默啜遣使請和許之

厥九

勿翻可從刊入聲
汗音寒使疏吏翻

己未以太僕卿郭元振中書侍

郎張說並同平章事

說讀
曰悅

以溫王重茂爲襄王充

集州刺史遣中郎將將兵五百就防之

舊志集州京
師西南一千

四百二十五
里將即亮翻

乙丑追立妃劉氏曰肅明皇后陵曰

惠陵德妃竇氏曰昭成皇后陵曰靖陵皆招魂葬於

東都城南

二妃死見二百五卷武后長壽二年

立廟京師號儀坤廟

會要

儀坤廟在親仁里

竇氏太子之母也

太平公主與益州長

史竇懷貞等結爲朋黨欲以危太子使其壻唐皎邀

韋安石至其第

峻子

安石固辭不往上嘗密召安石

謂曰聞朝廷皆傾心東宮卿宜察之對曰陛下安得

亡國之言此必太平之謀耳太子有功於社稷仁明

孝友天下所知願陛下無惑讒言上瞿然曰

瞿俱遇翻瞿然

驚視之貌

朕知之矣卿勿言時公主在簾下竊聽之以飛

語陷安石欲收按之賴郭元振救之得免公主又嘗